



Um verkefni samstarfsnefndar um ferlimál fatlaðra

1. gr.

Samstarfsnefnd um ferlimál fatlaðra er samstarfsnefnd bæjarstjórnar Akureyrar og samtaka fatlaðra um ferlimál fatlaðra á Akureyri sbr. 34 gr. laga nr. 59/1992 um málefni fatlaðra.

2. gr.

Samstarfsnefnd um ferlimál fatlaðra vinnur að því m.a.:

- a) að koma á framfæri upplýsingum og ráðgjöf varðandi ferlimál fatlaðra,
- b) að fylgjast með vinnustöðum og gera tillögur um úrbætur til að bæta aðgengi fatlaðra,
- c) að fylgjast með því að við hönnun og byggingu mannvirkja, gerð gangstétta, gönguleiða og bílastæða sé ákvæðum skipulags- og byggingarlaga framfylgt hvað varðar aðgengi fatlaðra og
- d) að láta kanna aðgengi í opinberum byggingum og öðrum mannvirkjum í bænum og gera tillögur um nauðsynlegar endurbætur til að gera þau aðgengileg fyrir fatlaða.

3. gr.

Samstarfsnefnd um ferlimál fatlaðra skal í störfum sínum hafa eftir atvikum samstarf við búsetudeild og fjölskyldudeild Akureyrarbæjar.

Um skipan samstarfsnefndar um ferlimál fatlaðra

4. gr. a

Nefndina skipa fimm fulltrúar sem tilnefndir eru í upphafi kjörtímabils til fjögurra ára í senn. Bæjarstjórn skipar einn fulltrúa sem jafnframt er formaður nefndarinnar. Skipulagsnefnd og stjórn Fasteigna Akureyrarbæjar tilnefna hvor sinn fulltrúa. Proskahjálpi á Norðurlandi eystra, Sjálfsbjörg á Akureyri og Norðurlandsdeild Blindrafélagsins tilnefna tvo fulltrúa og skal annar þeirra vera varaformaður nefndarinnar. Varamenn eru tilnefndir með sama hætti.

5. gr. a

Formaður samstarfsnefndar um ferlimál fatlaðra stjórnar fundum og sér um að allt fari þar löglega og skipulega fram. Hann úrskurðar í ágreiningsmálum sem upp kunna að koma út af fundarsköpum en skjóta má úrskurði hans til úrlausnar stjórnarsýslunefndar/bæjarráðs. Fundarmönnum er skylt að lúta valdi formanns að því er varðar fundarsköp og góða reglu.

6. gr.

Samstarfsnefnd um ferlimál fatlaðra heldur fundi eftir þörfum eftir ákvörðun formanns. Fund skal halda ef a.m.k. tveir nefndarmenn óska þess.

7. gr.

Heimilt er að boða fulltrúa hagsmunasamtaka fatlaðra, sérfræðinga um ferlimál og aðra sem málefni nefndarinnar varða á fundi hennar.

8. gr.

Starfsmaður nefndarinnar er skipulags- og byggingarfulltrúi Akureyrarbæjar eða staðgengill hans sem hann tilnefnir. Nefndin skal hafa greiðan aðgang að þeim gögnum sem lögð eru fyrir nefndir bæjarins og varða sérstaklega ferlimál fatlaðra. Leita skal umsagnar Samstarfsnefndar um ferlinefnd fatlaðra um ný mannvirki á vegum Akureyrarbæjar áður en hönnun þeirra er endanlega ákveðin.

9. gr.

Tillögur sínar og athugasemdir skal Samstarfsnefnd um ferlimál fatlaðra senda þeim embættismönnum sem við á hverju sinni með afriti til formanns viðkomandi nefndar.

Um fundarsköp Samstarfsnefndar um ferlimál fatlaðra

10. gr.

Um fundarsköp á fundum Samstarfsnefndar um ferlimál fatlaðra gilda ákvæði sveitarstjórnarlaga og Samþykktar um stjórn Akureyrar og fundarsköp bæjarstjórnar.

Formaður boðar eða lætur boða til fundar með dagskrá. Í dagskrá skal vísað til gagna um þau fundarefni sem til umfjöllunar eru eftir því sem kostur er. Dagskrá skal send til aðalmanna í síðasta lagi sólarhring fyrir fund. Hægt er að boða til fundar með styttri fyrirvara með samþykki allra nefndarmanna og skal það bókað í upphafi fundar. Óski nefndarmaður eftir að taka mál á dagskrá skal hann tilkynna formanni það skriflega eða með rafrænum hætti með tillögu eða fyrirspurn eigi síðar en á hádegi tveimur dögum fyrir fund. Heimilt er að taka mál til meðferðar í Samstarfsnefnd um ferlimál fatlaðra þótt ekki sé það tilgreint í dagskrá. Þó er skylt að fresta afgreiðslu slíks máls ef einhver nefndarmaður óskar þess.

Fundir Samstarfsnefndar um ferlimál fatlaðra eru að jafnaði haldnir fyrir luktum dyrum og er óheimilt að greina frá ummælum einstakra fundarmanna á fundum. Fundur er lögmætur ef meira en helmingur nefndarmanna er á fundi. Samstarfsnefnd um ferlimál fatlaðra getur enga bindandi ályktun gert nema fundur sé lögmætur.

Mál skulu tekin til umræðu og afgreidd í þeirri röð sem þau eru á dagskrá nema formaður eða Samstarfsnefnd um ferlimál fatlaðra ákveði annað. Afl atkvæða ræður úrslitum mála. Skylt er að vísa máli til úrskurðar stjórnarsýslunefndar ef a.m.k. tveir nefndarmenn óska eftir því með bókun.

Formaður sér um að fundargerðir séu skipulega færðar í tölvu og að allar samþykktir séu bókaðar nákvæmlega.

11. gr.

Starfsmaður Samstarfsnefndar um málefni fatlaðra annast ritun fundargerða. Um ritun fundargerða Samstarfsnefndar um málefni fatlaðra gilda sömu reglur og um ritun fundargerða bæjarstjórnar, sbr. 31. gr. Samþykktar um stjórn Akureyrar og fundarsköp bæjarstjórnar. Þó skal ekki færð sérstök gerðabók um fundi nefndarinnar.

Í tölvuskráða fundargerð skal færa

- a fundartíma og fundarstað,
- b nöfn aðalmanna og varamanna sem sækja fundinn,
- c nöfn starfsmanna sem sækja fundinn,
- d heiti og númer fundarefna sem tekin eru fyrir,
- e stutta lýsingu á hverju fundarefni,

- f bókanir nefndarinnar eða einstakra fundarmanna um fundarefni þar sem það á við og
- g í fundargerð skal einnig koma fram ef fundarmenn víkja af fundi eða koma til fundar eftir að hann hefst.

Í lok fundarins skal tölvuskráð fundargerð prentuð og hún undirrituð af fundarmönnum. Einnig skal formaður og a.m.k. einn fundarmanna setja upphafsstafi sína undir hverja blaðsíðu fundargerðar sem tölusettar skulu í áframhaldandi töluröð. Undirritaðar tölvuskráðar fundargerðir skulu reglulega bundnar inn til varanlegrar varðveislu.

Undirritaðar fundargerðir skulu varðveittar hjá skjalastjóra. Skjalastjóri sér um að birta fundargerðir á vef Akureyrarbæjar en starfsmaður nefndarinnar tilkynnir aðilum mála, sem afgreidd eru í Samstarfsnefnd um ferlimál fatlaðra, um málalok.

Um hæfi og skyldur nefndarmanna og starfsmanna Samstarfsnefndar um ferlimál fatlaðra

12. gr.

Um hæfi nefndarmanna í Samstarfsnefnd um ferlimál fatlaðra gilda ákvæði 20. gr. sveitarstjórnarlaga nr. 138/2011 og II. kafla stjórnarsýslulaga nr. 37/1993.

13. gr.

Nefndarmönnum er skylt að sækja alla nefndarfundi nema lögmæt forföll hamli svo sem önnur brýnni skyldustörf eða veikindi. Sé nefndarmaður forfallaður um stundarsakir skal hann tilkynna eða láta tilkynna forföllin til formanns og boða varamann sinn á fund.

Nefndarmaður skal gæta þagnarskyldu um það, sem hann fær vitneskju um í starfi sínu og leynt á að fara vegna einka- eða almannahagsmuna samkvæmt lögum eða eðli máls. Þagnarskylda helst áfram eftir að nefndarmaður lætur af þeim störfum. Þetta ákvæði á einnig við um aðra fundarmenn.

Málsmeðferðareglur Samstarfsnefndar um ferlimál fatlaðra

14. gr.

Við meðferð mála hjá Samstarfsnefnd um ferlimál fatlaðra, er varða rétt og skyldu aðila að stjórnarsýslumáli, skulu nefndarmenn og starfsmenn gæta ákvæða stjórnarsýslulaga nr. 37/1993.

Samstarfsnefnd um ferlimál fatlaðra skal gæta að leiðbeiningarskyldu varðandi þau erindi sem eru til meðferðar hjá nefndinni. Þá skulu ákvarðanir vera teknar svo fljótt sem unnt er eftir að mál hefur verið nægjanlega upplýst.

Við úrlausn mála skal gæta samræmis, jafnræðis og meðalhófs sbr. stjórnarsýslulög nr. 37/1993. Aðili máls skal eiga þess kost að tjá sig um efni máls fyrir starfsmönnum Samstarfsnefnd um ferlimál fatlaðra áður en tekin er ákvörðun, enda liggi ekki fyrir í gögnum málsins afstaða hans og rök.

Aðili máls á rétt á því að kynna sér skjöl og önnur gögn er varða máls hans með þeim takmörkunum sem getið er um í 16. gr. stjórnarsýslulaga nr. 37/1993 og upplýsingalögum nr. 50/1996.

Ákvörðun Samstarfsnefndar um ferlimál fatlaðra skal tilkynnt aðila máls. Hafi umsókn aðila verið hafnað eða ekki tekin til greina að öllu leyti skal fylgja tilkynningunni rökstuðningur eða leiðbeiningar um heimild aðila til að fá ákvörðun rökstudda. Einnig skulu fylgja leiðbeiningar um kærú- og endurupptökuheimild og fresti til að kæra eða endurupptaka mál.

Endurupptaka máls

15. gr.

Eftir að Samstarfsnefnd um ferlimál fatlaðra eða starfsmenn hennar hafa tekið ákvörðun og hún verið tilkynnt, á aðili máls rétt á því að mál sé tekið fyrir að nýju ef ákvörðun hefur byggst á ófullnægjandi eða röngum upplýsingum um málsatvik eða ef íþyngjandi ákvörðun um boð eða bann hefur byggst á atvikum sem hafa breyst verulega frá því að ákvörðun var tekin. Endurupptaka er heimil innan þriggja mánaða frá því að aðila máls var eða mátti vera kunnugt um ákvörðunina.

Aðili máls skal beina kröfu um endurupptöku máls til stjórnslunefndar.

Stjórnslukæra.

16. gr.

Aðila máls er heimilt að kæra ákvörðun Samstarfsnefndar um ferlimál fatlaðra eða starfsmanns hennar til stjórnslunefndar til þess að fá ákvörðun fellda úr gildi eða henni breytt nema annað leiði af lögum eða venju.

Kæra skal borin fram innan þriggja mánaða frá því að aðila máls var tilkynnt um ákvörðun Samstarfsnefndar um ferlimál fatlaðra eða starfsmanna hennar, nema lög leiði til annars frests. Stjórnslukæra frestar ekki réttaráhrifum ákvörðunar meðan málið er til meðferðar nema æðra stjórnvald mæli svo fyrir.

Gildi samþykktarinnar

17. gr.

Samþykkt þessi tekur gildi með samþykkt bæjarstjórnar 18.09.2012.